

如キモノ世ニ出ベキ漸ナラン、痘癩ノ世ニ出ベキ根基ハ既ニ上古ニ具セリ、

〔斷毒論天〕癩源○中略

本邦天平延曆之痘毒、隔數十年亦非天時之令邪之差、以一齊流行竭海內之人故也、方今癩毒之行、傳染之勢、急於痘、然非其毒暴於唐山、非天時令邪異於唐山、是亦人事之所使也、何則痘者、嬰兒之患、癩者多枉壯年、故逆旅染病者、旬日行程、傳於千里之外、未過半歲、流布于海內、普竭其人而後罷、又隔數年、傳來海外之毒氣、則復作海內之巨害、故史之所記、今之所視、莫不必從西海流東海、是以其流行邇者十餘年、遐者數十年、其期如存如亡、若夫萬壽承曆之際、隔五十三年、亦非天時令邪之所使、幸不傳外國流行之毒也、以何證之、享和癸亥年○三之癩毒、豆之八丈島獨免焉、是島以有流刑之徒、嚴禁舟楫之往來、是故不傳本邦之毒也、後歲若傳之、則與萬壽承曆之際何以異邪、是即所以謂傳染之疾、在人事而不因天時也、嗟、每此毒行、絕世嗣、殞骨肉、天札之夥、非天行疫疾之可比者也、雖然、診氣有形、一種之傳染、非難避疾、避則必免、不避則冒、

流行例

〔拾芥抄下末〕療治疱瘡方見天平官符、天平九年六月廿六日下諸國官符、○中略

惱人乃背仁 此七字可書之、麻子瘡之種我作云々、

〔類聚符宣抄三〕太政官符、東海東山北陸山陰山陽南海等道諸國司、

令臥疫之日、治身及禁食物等事漆條、

一凡是疫病、名赤斑瘡、初發之時、既似瘧疾、未出前、臥床之苦、或三四日、或五六日、瘡出之間、亦經三四日、支體府藏大熱、如燒、當是之時、欲飲冷水、因忍瘡又欲愈、熱氣漸息、痢患更發、早不療治、遂成血痢、病發之間、或前或後、無有定時、其共發之病、亦有四種、或咳嗽、志波或嘔逆、多麻或吐血、或鼻血、此等之中、痢是最急、宜知此意、能勤救治、○中略

以前、四月以來、京及畿內、悉臥疫病、多有死亡、明知諸國百姓、亦遭此患、仍條件狀、國傳送之、至宜寫取、